

書

大唐開元占經卷之二十六

歲星犯西方七宿

奎宿

郝萌曰歲星入奎其年五穀以虫為害居其南春糴
賤牛馬絹帛皆賤居其西糴貴其物皆貴民不安
海中占曰歲星潤澤出奎君有善令若變色入奎有
偽令來者若出奎有偽令出使者

歲星出處奎中有故

歲星處奎守其南春食賤處其東糴乍貴乍賤民

從移不安處奎西四月五月食貴處其北民憂

帝覽嬉曰歲星之奎有喜慶之事若有赦令

歲星舍奎南牛馬繒布帛賤舍其北八月兵起七
十二日罷或至三歲乃罷

石氏曰歲星居奎五穀以水傷處奎中有土功之事
邠萌曰歲星處奎中有白衣之會

齊伯五星占曰歲星出入留舍于奎有小早晚多雨
水居左右者不占其守者外客軍且耒矣

黃帝占曰歲星守奎北夷耒降

洛書曰守三十日天下道興賢明用

歲星守奎五穀成熟 石氏曰大飢

甘氏曰歲星守奎四十日以上王道大興忠臣進用
天下大平三年

海中占曰歲星處奎南春米貴處其東乍賤乍貴民
移徙不安處其西四五月米貴處其北民憂
又曰執法吏多死五穀耗傷旱此逆行也

歲星守奎南馬牛賤

歲星守奎逆行旱五穀虛耗其順行色潤澤歲豐

郝萌曰歲星守天庫多獄訟王者貴人憂

又曰以饑起兵若有客軍為有溝瀆事又有水事
河圖曰歲星入奎中而守之國匿謀有兵起人主有
憂若大臣當之

荊州占曰歲星守奎王者憂之 一曰大人當之
歲星逆行守奎女子多死

甘氏曰歲星逆行而守之其君好攻戰兵甲不息人
民流亡不安其居

洛書甄曜度曰歲星守奎五穀熟

大姜宿

荊州占曰歲星入姜國有喪有聚人期一年
海中占曰歲星入居姜中有小赦

春秋圖曰歲星守姜牛馬大賤

郝萌曰歲星居姜五穀以水傷歲多水

歲星處姜北有奪地之君處東金器貴

海中占曰歲星處姜南春食賤牛馬繒帛賤處其北

八月兵起七十二日罷遠期二年

歲星舍姜胃去姜舍奎有赦

河圖聖治符曰歲星守婁天下赦

石氏曰歲星守婁三十日不下天下平九十日不下
國有兵穀貴

歲星守婁王者承天得慶天下安平

巫氏曰歲星守婁王者承天位天下安寧有慶賀事
有兵將罷 又曰民多疾疫

司馬彪曰為兵為匿謀

郝萌曰歲星入守婁有土工之事多獄事貴人憂歲
大饑有白衣之會

海中占曰歲星守婁中又暈之大赦期九十日

荊州占曰歲星守婁東有徙民守其北有兵守其西
不占守其北空天下有慶賀

歲星守婁有德令牛馬多死苑囿空虚

玄冥占曰去之五尺以外守之十五日以上至三十
日王者出祀四瀆山川百神不出九十日

北官候曰歲星守婁南春糴賤牛馬皆賤皆在歲月
中守其東一貴一賤守其中有白衣之會有小赦
歲星守婁六畜大貴其國尤甚

海中占曰歲星逆行守婁其君宰吏斷獄不以時人多怨訟若有赦令

感精符曰歲星入婁犯守之有白衣衆聚三十日不下其国有兵九十日不下有大喪期二年

胃宿

郝萌曰歲星犯胃為天下穀無實以食為憂

石氏曰歲星經胃昴畢趙水滂魚行人道

春秋圖曰歲星入胃其年旱霜

歲星處胃北八月兵起七十二日罷遠三年

郝萌曰歲星處胃中有白衣之會處其南男子疾

一曰牛馬賤處其東民徙移搖不定若食貴

歲星舍胃是謂去陽之陰有喜宥空

荊州占曰歲星守之逆行胃其君不受五穀

齊伯五星占曰歲星入留守胃國家即妄動土功事

不祥小人且亡緣綿布帛貴有急令

郝萌曰歲星出入留舍胃兵起不用 一曰大人有

憂 一曰十月小旱

巫氏曰歲星守胃為兵災萬物不成

黃帝占曰國以興義致以無故失幣有水旱事

石氏曰歲星守胃王者順天德中畿國昌

海中占曰守胃歲大熟 一曰五穀大入

郝萌曰燕兵伐中國 一曰王者開倉廩

荊州占曰歲星守胃三尺以外守之二十日王者開

倉廩大賦後天下轉運不出百八十日

甄曜度曰歲星入胃犯守之國有更令大人有憂若

有禍殃必有土工

郝萌曰歲星犯守胃鄰國有暴兵伐中國者

歲星犯胃若守之大人憂天下有疾病

荊州占曰歲星犯國有變更之令期四月 一曰天

下獄空 陳卓曰天下無人逆行胃穀不成熟

昴宿

甄曜度曰歲星入昴胡兵入國有土功若有赦令

郝萌曰天下有白衣之聚期六十日遠百二十日

歲星乘昴出北者為陰國有憂若胡王死

歲星入昴中有小赦 一曰其國有大殃

歲星居昴畢間赤色大旱 西官候曰為金寶貴

春秋圖曰歲星之守昴棺木大貴

歲星處昴南男子病歲早早晚水處昴北多暴雨

處昴東徙民

歲星留之逆行昴其君殺不辜

歲星出入留舍昴其年旱霜五十日不下必有死

君期三歲若有死將期四月

齊伯五星占曰歲星出入留舍昴胡人以出其國無

兵禾豆耗布帛貴

荊州占曰歲星舍昴處其南有土功民多口舌

黃帝占曰歲星守昴東糴大貴三月後守北其歲有

德令

孝經章句曰歲星守昴在其南糴一貴一賤其月有

土功有死君變其政在其東金器刀劍貴在其北

有別離之國奪地之君若死在其西不占

井氏曰歲星守昴王者有德令昴者天之

同室

歲星

近之下獄之臣皆有解者不出四十日

巫氏曰歲星守昴為萬物不成大饑大旱多火災若

有兵

海中占曰歲星守昴天倉實

郝萌曰歲星入守昴東行至天高復反至五車邊兵

大起 一曰有恩赦急令

石氏曰歲星入昴守之天獄天下獄虛

河圖曰歲星犯昴大臣有坐法死者津關吏憂人民
饑多食草實

甘氏曰歲星守昴王者失禮陷人於刑宜赦除咎

郝萌曰歲星犯守乘入昴中為兵北征於胡

一曰近臣為亂 一曰有白衣會又曰天下有福

畢宿

石氏曰歲星入畢中邊塞有兵起

巫氏曰歲星入畢自其出日數之期二十日為兵發

伺始入處之率一日期十日為軍罷

聖洽符曰歲星入畢口將相憂大臣災大人當之期
不出百八十日

歲星犯畢出其北為陰國有憂出其南為陽國有
憂南有兵則客敗主人勝

西官候曰入畢中八十日若百四十日人君謀兵大

起

石氏曰歲星出畢陽則旱出畢陰則水為政令不行
春秋圖曰歲星之畢為德令

郝萌曰歲星居畢昴間色赤大旱國有大殃在王

一曰在民 一曰入畢中邊兵起有憂

歲星入畢為其國易主

歲星逆行畢其君敗獵若徒倚不明其君不敬祠
歲星處畢北其國有赦令有別離之國奪地之君
一曰歲星處畢南有土功男子多疫早旱晚水處

畢東多暴兩金器刀劍貴

歲星出入留舍畢二十日其國有以武致天下絲
綿布帛大貴兩百舳千

荊州占曰歲星入留舍畢三十日不下人民流亡不

返故鄉 巫氏曰為大旱多水災

西歲星守畢邊兵起陰國謀反相欺主臣謀叛為倭
春秋圖曰歲星守畢王者出遊獵不出四十日兵東
行 郝萌曰萬物不成國以飢亡

石氏曰歲星守畢中國大赦王賜吏狄君有德令

一曰糴大貴

玉曆曰歲星入畢留守之三十日不下人君有謀大
兵起有攻戰客軍敗人民流亡不返其鄉期一年
西官候曰歲星犯守畢宿軍亂國有赦令王者有賜
夷狄君有謀兵期八十日君二百四十日
陳卓曰歲星犯守畢年穀小豐

歲星犯附耳兵起君收將相有喪憂也
若不即死退也

歲星逆行畢人君佃獵不時 一曰兵起

觜宿

石氏曰歲星犯觜觶萬物不成其國兵起天下動移
郝萌曰歲星入觜中伺其出日而數之期二十日兵

發伺始入處之率一日期十日軍罷

歲星入觜五穀更貴更賤歲中一早一滂天氣不
和調歲一曰有兵多盜賊

歲星逆行觜觶其國君誅罰不當

歲星出入留舍觜六十日不下禾豆半傷九十日
不下候王建功一百日不下客軍大敗主人大勝

一曰山林空

春秋圖曰歲星入甬兵器大貴

鴻範曰歲星舍甬鴈為白衣之會

石氏曰歲星守甬三日以上王者大將軍出兵在道

國有反者民疫天下大飢五穀傷米大貴

一曰久守之丁壯暴死

歲星守甬西方客動侵地欲為君主祟亂以則義

國安無咎 一曰君臣和同

荊州占曰歲星守甬妖怪起少壯有暴死者

玄冥占曰歲星守甬鴈大臣且亡

齊伯占曰歲星守甬六十日五穀傷九十日兵起

石氏曰歲星犯甬中不出一旬民病瘡

海中占曰歲星犯甬不出旬日必有值候之事農夫

不耕天子皇后俱崩期甲辰日

玉曆占曰歲星守三十日五穀傷其國大飢民多餓

死天下大疫農夫不耕婦女不織

參宿

石氏曰歲星犯參水旱不時有兵喪

聖洽符曰歲星入參天子更布政宰相不安期六月
郝萌曰歲星逆行參其君誅罰不當

歲星逆行若留上衡中為兵革起

黃帝占曰歲星處參東若處伐東多走民多暴雨處
參西若伐兩多流民從東方來處參北若伐北衡
水災處參南若伐南為易君

郝萌曰歲星處參東居伐東晚稼不成處參西君伐
西產子者多死又曰老人多死處參南君伐南為
易君又曰大人多寒熱之疾處參北國有易相者

歲星宿參若宿伐者為有反臣中兵也

荊州占曰歲星處參所近者是王者欲封為遠國君
也期一年 一曰若守參多兩歲惡

歲星入參七日以上至七十日天子欲出入他國
不出百八十日

石氏曰歲星守參有反者五穀更貴天下農夫不耕
甘氏曰其歲大疫王者恐疾人民流散國君危

巫氏曰歲星守參萬物不成民大饑

海中占曰歲星守參多盜賊高田貴下田賤其年樹

本草稻多腐爛 一曰晚禾不成

一曰天下有兵驚后夫人當之旱人民多病

石氏曰歲星守參有赤星出參中邊塞有兵

春秋合誠圖曰歲星入參犯守之其國以兵致天下

有兵驚退而守之士卒有驚離散五穀騰貴

一曰水火為災

郝萌曰歲星入參守伐天下有兵不足傷民天下受

兵事

大唐開元占經卷之二十七

歲星犯南方七宿

鄒都程扶世校正

井宿

黃帝占曰歲星入東井軍在外歲星進則兵進星退

黃則兵退

郝萌占曰歲星入井天下有土工川瀆之事留之二

十日以上改正朔期十月若十一月

歲星守井居其東五穀不成木妬居其南國君病

諸候多死居其西小兒多死居其北人主有殺命

歲星入東井一南一北候王憂害於黍稷

陳卓曰歲星入東井兵起歲饑人病期一年遠三年

歲星犯守東井王者法令急多獄事其年大水人

饑天下改令 武密占曰天下易制

黃帝占曰歲星出入留舍東井三十日天下一国有

水者 歲星中犯東井人君有戮者

郝萌曰歲星中犯乘東井其國內外有兵起

荆州占曰歲星去東井七寸七日以上至一百五十

日則王者用法大臣修度天下和平

石氏曰歲星守東井河水溢又曰主旱

井氏曰守井主法令惡多獄事其年大赦

黃帝曰歲星守東井歲大饑人民疾病

一曰男子多寒熱病有水

郝萌曰歲星守東井大人多病人君有喪

一曰守井若將相死糴貴 陳卓曰百川皆溢

荆州占曰歲星守東井道上多死人

郝萌曰守東井萬物五穀不成久守之金錢易

歲星入若守東井有土功事

大德堂
歲星入犯乘守東井留三日以上其歲諸侯當之
感精符曰五精入東井從歲星聚殺大臣白而發黃
神奉絕用兵卒亂以義得天下

石氏曰歲星逆行東井有兵 一曰守東井有兵

晉永興二年九月歲星守東井占曰有兵井秦分
陳卓曰逆行井山川壅塞

歲星中犯乘守東井若祗人君有戰死者

邠萌曰歲星逆行井人君出入不時

歲星守犯乘井鉄鉞用大臣誅貴臣為亂主兵起

歲星環繞井鉞諸侯有誅者 一曰有赦

魏武帝甘露二年八月壬子歲星犯鉞其年九月

庚寅歲星逆行井鉞期三年征東將軍諸葛誕誅

黃帝占曰歲星入鉞大臣誅 一曰歲星入賢相死

邠萌曰歲星干鉞者為斧鉞用歲星中犯乘守鉞其

國內亂兵起

大武始 永興二年九月歲星守東井占曰有兵起

秦分是年荀愔破公孫藩張方破范王虎關西諸
將攻河間顯、走東海王迎殺

丹德堂
新鬼宿

石氏曰歲星犯守輿鬼或入天尸則有大兵鈇鉞用大臣誅天下有積尸若在十二月災尤甚

一曰犯南王者有疾崩若戮死者近布帛發布帛近金玉發金玉近馬發馬近兵發兵約七寸以內為近其守之三日以上所發明審也

歲星逆行入鬼出其陽男子災陰女子災出其左右貴人夫人災抵其中央天子災

郝萌曰歲星去五諸侯入輿鬼諸侯世子有死者期

六十日或百二十日

歲星舍輿鬼東北麻豆成稻不成舍東南豆變成人有渴死者舍西南天下兆民多喪舍西北黍稷成麥不成早蚕惡晚蚕熟舍其中樂糴石三四錢郝萌曰歲星入輿鬼相有斥或誅者

巫氏曰歲星入鬼留十日以上金錢大散於諸侯期六十日若十月石氏曰大臣誅又乱臣在內

漢孝景帝後元二年十月戊午歲星入輿鬼中占曰大臣有誅者一曰金錢之賜令近期一年遠五

年至昭帝始元二年二月賜諸侯王列侯進宗室
金錢各有差七日賜天下民牛酒至四月六月復
賜丞相以下至郎吏錢帛各有差廷尉天子

石氏曰歲星出入留舍輿鬼五十日不下有大喪六
十日不下國相不明百日不下民半死

歲星犯天尸國有兵王者病疾人君有戮死者

甘氏曰歲星犯鬼人君必有所戮

海中占曰歲星守鬼出其北旱出其南多雨水五穀
不登 出其左右貴戚坐之

黃帝占曰歲星處鬼南有易君犯西南布帛貴處其
北國易相犯西北星金寶出處其西殺老人若殺
姪子者犯東北星馬多死犯東南星兵大起

巫氏曰歲星守輿鬼天子賜諸侯金玉錢帛
和萌曰歲星守鬼五穀多傷民以飢死者人主以命
終人多疫病若狂病死者

海中占曰守鬼兩角動有殺主者色黑誅死不成
和萌曰歲星逆行守鬼其君不聰明用財奢浮過度
治衰 歲星去天目入鬼大人死期百二十日

荆州占曰逆行守鬼其君不聰於事

歲星入輿鬼財寶出乱臣在內有屠城

歲星乘質人主貴人憂金玉用又民多疾從南入

為男從北入為女從西入為老人從東入為少壯

若棺木倍價

歲星干犯守鬼者皆為天下有大喪陽為后左為

天子右為貴臣又隨所守主物王者發之不出七

十日

郝萌曰歲星乘質鈇鉞用守鬼大人以命終守鬼西

南皆為秦漢有反臣以赦解之

司馬彪天文志曰歲星入鬼為死喪

石氏曰歲星守鬼為大人有祭祀事

柳宿

石氏曰歲星入柳天下安諸侯有慶五穀豐熟百姓

康寧歌舞以行不出其年

郝萌曰歲星入柳以飢起兵 一曰五穀收入

石氏曰歲星處柳東晚穰不成處其南有易君處其

西殺老人及姪子民疾處其北貴人徙國易相

歲星處柳南地必動處其西民疾歲水大人憂
甘氏曰歲星守柳貴臣得地有德令不出九十日
巫氏曰守柳多水旱五穀萬物不成人飢
郝萌曰歲星守柳多獄不然獄空

一曰歲守天相政事急民有千里之行有反臣中
兵起

陳卓曰歲星逆行柳行其陰女子有灾行其陽男子
灾之行其左右貴戚灾之行其中君當之
郝萌曰歲星與柳合同光其國將大強

荆州占曰歲星與熒惑合柳歲星色赤白相交兵起
黃白五穀傷黑為水青有憂赤角兵起近期三十
日遶六十日

海中占曰歲星居柳歲和大熟

歲星出入留舍柳九十日不下將軍出兵戰將死
歲星逆行柳其君不敬祭祀

星宿

荆州占曰歲星入七星五穀多傷天下盜賊起期一
年甘氏曰君有置太子子者

陳卓曰歲星出入留舍七星其國以義致天下

歲星犯七星天子憂兵功臣受封

歲星與七星同光者以粟當錢五穀大熟

郝萌曰歲星居七星天下和同

歲星處七星民疾處其西歲水

歲星守七星天佑王者其國獲福九十年

巫氏曰守星者旱多火災萬物五穀不成兵亂

海中占曰歲犯七星死者滿道子弑父臣弑君

荊州占曰歲犯七星王者敬天宗廟有禮天下和平

黃帝占曰歲星犯七星逆臣為亂

歲星逆行七星郝萌曰其君衣服不法

荊州占曰逆行處其南地動處其西大人災之處其

北貴人徙 郝萌曰地動 一曰反臣中兵也

黃帝占曰歲星守七星為反臣 一曰夏物不成

石氏曰歲星守七星有兵

武密占曰歲星守七星有兵起

郝萌曰歲星留七星天下大憂憂中央

張宿

石氏曰歲星入張天子有慶賀之事天下泰穀大豐
荊州占曰不出一年天子有慶賀之事兆民樂業
巫氏曰歲入張旱多火災萬物五穀不成

郝萌曰歲星出入留舍張三十日不下有兵六十日
不下更立侯王 歲星居張歲和熟

歲星逆行張其君用樂淫泆

歲星守張政事急民有千里之行有反臣中兵也
一曰貴人死

荊州占曰歲星逆行張其君衣服不法

石氏曰歲星守張民人疫病其歲民多心服疾

甘氏曰守張其國大豐守之一年七年昇平君臣同
心

歲星處張南地必動若六畜貴處張西歲有水

荊州占曰歲星守張四十日至百二十日陰陽和群

臣忠良王者吉

歲星與土星合於張歲不和貴人多內喪

一曰大水六年

郝萌曰天下有變不傷為政者則害於民

一曰民憂盜賊起若功臣受封後且大旱

荆州占曰歲星與填合守張天下易舍民流千里

或易令

翼宿

石氏曰歲星入翼守之五穀風傷期一年

歲星出入留舍翼且有急事徵百日應

郝萌曰出入留舍六十日不下小人大切地亡六里

歲星居翼歲和谷熟乙巳占之

石氏曰歲星守翼有兵若大水人民流亡萬物不成

一曰川枯不通 甘氏曰聖人起伐無道

荆州占曰歲星守翼王道大興王者得天心賢臣親

用將相忠良不出九十九日文術大用天下安寧若

久守之五穀不成人多流亡

郝萌曰歲星守翼南六畜貴

海中占曰歲星處翼東魚鹽瓦器貴處其南車貴處

其西不占處其北五穀不成

郝萌曰歲星逆行翼其君好淫樂佚遊政急

歲星入翼有海客若四海有急則憂

軫宿

巫氏曰歲星入軫中伺其出日數之期二十日為兵發伺始入處之率一日期十日軍罷

郝萌曰歲星入軫天下多喪 陳卓曰兵大起

荊州占曰歲星入軫国有將死期六年

歲星在軫王者憂不出九十日

歲星干犯守軫大臣戮死

郝萌曰歲星舍軫七日不移有赦

黃帝占曰歲星處軫東糴貴處軫西有女喪若水

歲星守軫南六畜若貴

海中占曰歲星犯守軫天子不恤孤老不平大臣背

叛師旅大起軍騎盡發

一曰主車者罪之

或庫字

甘氏曰歲星守軫国主疾王者修宗廟赦三百里内

則灾消 一曰王者憂疾病有喪不出九十日

居其東米貴居其西有水居其北多疾病居其南

車貴 黃帝曰歲星守軫川楫不通

郝萌曰歲星守軫有土功事若旱萬物不成民飢其

北五穀不成

荊州占曰歲星逆行軫多失火灾

郝萌曰歲星逆行軫人君持喪服不謹貴妃及親主
之若逆行至軫而守之其国有喪憂在人君若守
之七日不移有弑逆之事逆行入軫中若守之兵
大起有大水大旱人疾疫天下更王期在二年

大唐開元占經卷之二十七終

大唐開元占經卷之二十八
歲星犯石申中官

石氏曰歲星犯攝提臣謀其君主出走有兵起期年
海中占曰歲星犯大角臣謀主有兵起人主憂王者
戒糴左右期不出百八十日遠一年

巫氏曰歲星犯梗河若守者国有謀兵四夷兵起未
侵中國邊境有憂

聖洽符曰歲星犯招搖邊兵大起胡人為寇若守之
胡人敗胡人死期不出二年

荆州占曰歲星入招搖兵起馬多死

聖洽符曰歲星犯玄戈邊兵大起胡人為亂若守之
胡王死及敗期年餘

荆州占曰歲星犯天槍夷狄兵起谷鉞大用防戎有
憂若誅邊臣者期年內應

巫咸曰歲星犯守天棓邊塞兵起防戎有恐有誅邊
將者期年內 一曰兵起四方

荆州占曰歲星犯女牀后宮有奸謀女主凶

甘氏曰歲星守女床兵起宮中若妃后暴誅者期百

八十日遠一年

黃帝占曰歲星犯七公五穀不成為民饑人君不安
石氏曰歲星守犯七公輔臣有謀議臣相疑若有誅
者主人有憂

巫氏曰歲星犯貫索若守之天下亂兵大起多有獄
事貴人有死者

石氏曰歲星中犯乘守天牢天下獄多不平以獄致
亂

文曜鉤曰歲星犯守天紀幸臣專主之柄有兵起王

者憂

黃帝占曰歲星守犯織女天下有女憂有兵起不出其年

郝萌曰歲星犯入天市中五官有憂 一曰有赦

巫氏曰歲星入天市諸侯有戮者將相凶期百八十

日若一年 一曰易市 一曰幣易后宮憂

海中占曰五官有憂若市驚或易市者

石氏曰歲星守天市諸侯有謀若国有兵憂

郝萌曰五穀大貴

石氏曰歲星犯帝座臣謀主有逆亂之事

玄冥占曰歲星犯入帝座為臣謀君大亂有兵大起

不出其年

海中占曰歲星犯守天候陰陽不和五穀不成人民

饑兵且起

石氏曰歲星犯宦者天子左右侍臣有誅君戮死不

出一年

石氏曰歲星犯宗政左右群臣多死者若更政令人

主有憂

石氏曰歲星犯守宗人天子親族若貴人有憂若有死者 一曰人主宗親有離絕者

甘氏曰歲星犯守宗星宗室大臣有分離者

巫氏曰歲星犯守東西咸臣有不從令者有陰謀

歲星犯守天江其下有水君入之大水齊之城郭人民飢亡去其鄉

石氏曰歲星入建星大臣相譖諸侯有謀入閔者期六十日若百五十日

文耀鉤曰歲星守建星閔梁不通天下大飢人相食

期二年 石氏曰若守之大旱死者甚衆

海中占曰歲星守建星糴貴人相食民大耗大飢

郝萌曰歲星入守建星天下多暴貴 一曰牛貴

又曰天下有相食者以萬數一歲不發三年乃發三年不發六年乃發六年不發九年乃發郡國有坐之 一曰臣謀其主地氣洩貴人多死

一曰有水民飢有自賣者

石氏曰歲星犯天弁若守之囚徒兵起

一曰五穀不收米大貴人民飢

齊伯五星占曰歲星犯河鼓有將若左右將有誅者
若守之將有罪以五色占之吉凶

石氏曰歲星入河鼓諸侯之將出大兵起將有罪人
主憂期一年

石氏曰歲星犯離珠宮中有事若有亂宮者君宮中
人有罪黜者

聖治符曰歲星守犯瓠瓜天下有憂若有遊兵名菓
貴 一曰魚鹽貴價十倍不出其年

海中占曰歲星犯天津關道絕有不通者有兵起若

門吏有憂 郝萌曰歲星守天津者皆草也

甘氏曰歲星守犯騰蛇天子前駸出若奸臣有誅前
駸為害

石氏曰歲星守王良為有兵

齊伯五星占曰歲星犯王良天下有兵諸侯施強臣
謀主期不出年

石氏曰歲星犯閣道絕漢者為九州異令政各主其
王天下有兵期二年

石氏曰歲星守犯附路太僕以罪若有誅

一曰馬多死道無乘馬者

郝萌曰歲星犯入天大將軍者入之大將吉

犯之大將死

石氏曰歲星入犯大陵或乘守之天下死人如山

一曰國有大喪大臣有誅死者天下人死大半不出其年

聖洽符曰歲星入守天船兵大起舟舡用有亡國期不出年

郝萌曰歲星守天舡天下革命也

石氏曰歲星入犯乘守卷舌天下多喪

一曰有佞臣謀誤其君以口舌生事人主憂之

一曰人君以口舌起寇

石氏曰歲星犯五車大旱國有喪 一曰犯庫星兵

起北方若西方犯倉星穀貴或有水

海中占曰歲星入五車兵大起車騎行五穀不成天下民饑若軍絕糧

郝萌曰歲星入五車向其傍糴石三倍當其門糴石五倍入其中貴之十倍

荆州占曰歲星入五車天庫天下兵起若有水
孝經右秘曰歲星入五車王義絕亂帝家

石氏曰歲星中犯乘五車若入天庫以飢起兵

荆州占曰歲星入五車中犯乘守天庫大飢兵起

石氏曰歲星守天關臣謀主若大臣有不道者有兵
起期二年 郝萌曰貴人多死

海中占曰歲星守犯天關道絕天下相疑有關梁之
令 一曰歲水民飢有自賣者

郝萌曰歲星行不從天關不出其年有兵

晉康帝建元元年歲星守天關安西將軍康翼與
兄冰曰歲星犯天關占曰關梁當隘比來江東無
他故江通亦不難而石唐頻年關閉不通信使此
復是天曠：無皂白之徵

石氏曰歲星守南河戎中為四方兵起百姓疾病
黃帝占曰歲星乘南河戎若出南河南中為兵起
石氏曰歲星守南河蠻夷兵起邊戎有憂有旱灾人
民飢若有喪

黃帝占曰歲星若留止守南河戎為百姓疾病

九德堂
一曰大旱 一曰男子喪

石氏曰歲星行南河戒中若留止南河戒皆為喪出
北河若乘北河戒為女喪 一曰胡王死

玄冥占曰歲星守北河胡夷兵起若守之三十日不
下胡人敗若胡王死天下大水人民饑期不出二
年

巫氏曰歲星守北河大臣有憂若邊臣有罪若有幾
死者

郝萌曰歲星經南夷之南刑罰復暴誅伐不留經北

夷之北以女子金錢貪色奢侈失治道近期三年
中期六年遠期九年而災至

黃帝占曰歲星出北河戒間若留守北若居南戒間
若留守兩河間為天下有難起不通

石氏曰歲星犯五諸侯若守之兵大起將士出諸侯
有憂若有死者

巫氏曰歲星入五諸侯伺其出日而數之若二十日
兵發伺始入處之率一日期十日軍罷

玄冥占曰歲星守之臣有謀主者若議臣不忠若有

罪黜期一年

石氏曰歲星中犯乘守五諸侯兵死期三年

郝萌曰為所中乘守者誅若有殃期三年兵發

巫氏曰歲星犯守積水其国有憂水灾物不成魚鹽

貴 一曰以水為敗米大貴人民飢期二年

石氏曰歲星守積薪天下大旱五穀不登人民飢亡

郝萌曰歲星犯水位大水 一曰出其南大旱

石氏曰歲星犯守水位則天下以水為害津梁不通

一曰大水入城郭傷人民皆不出二年

石氏曰歲星在軒轅中有以女子請人君者

黃帝占曰歲星行軒轅中犯女主女主失勢有憂喪

也則大夫有放逐者五官有不治者色悴為憂為

疾其所中犯乘守者誅有罪歲星中犯女主者皆

為女主當之其守犯女主女主有憂

宋元嘉十四年辛卯歲星入軒轅其後皇后袁氏

崩 荊州占曰歲星守犯女后有以子諍者

玉曆曰歲星犯守軒轅女主有憂其君失政威令不

行後宮不安期二年

巫氏曰歲星行犯守軒轅女主失政若失勢

一曰大臣當有黜者期二年

司馬彪天文志曰孝桓延嘉七年八月庚申歲星犯軒轅大星八年二月癸亥皇后鄧氏坐執左道廢遷于桐宮死其昔

石氏曰歲星入軒轅中犯乘守之有逆賊有大災

歲星犯乘守大民星大飢大流太后宗有誅者若有罪 歲星犯軒轅有女子謀君者

荊州占曰歲星中犯乘守軒轅左右角皆大臣當之

歲星勾己凌犯軒轅天下大旱大饑蓋歲星主農事軒轅主風雨也

石氏曰歲星入少微君宜求賢以自輔不則失威奪勢 一曰若犯守之名士有憂王者信用小人忠臣被害有死者 一曰五官作亂宰相有恐

黃帝占曰歲星入犯乘守少微宰相易女主憂

帝覽嬉曰歲星行犯太微左右執法為大臣有憂

荊州占曰歲星道從太微藩南北方星間入至南藩東方星間南出道中西藩直坐入者非道也

歲星以壬子日慎入太微天庭中天子所使也不
以壬子日入非天子使

別書甲子非壬子也

郝萌曰歲星當太微門為受制當左執法為受事左
執法當右執法為受事右執法守太微門中為大
臣有誅若諸候戮死期二年

石氏曰歲星逆行太微中反出左右掖門為有逆謀
天子有令將征伐之事 一曰大赦可解其咎
歲星逆行入太微東門若入中華門人主改政非
次天下不安

郝萌曰歲星逆行入左掖門為臣劫其主有入東華
門主黃帝座出西門為臣欲謀主不成

玉曆曰歲星逆行入太微強臣變主諸侯兵起之兆
黃帝占曰歲星入太微色白潤澤期百八十日有赦
齊伯占曰歲星入太微由軌道而出諸侯有受封者
歲星東行入太微出東門天下有急兵

歲星東行入太微庭歲不登民人大飢若守之將
相大臣御史有死者若入端門守天庭大禍且至
入南門出東門國大旱

歲星從太微南門入而逆行西門出国有大水
歲入太微從右入留七日以上人主憂留二十日
以上人主大憂有喪

黃帝占曰歲星留守太微三十日以上為必有兵革
天下大赦

魏黃初五年歲星入太微逆行積百四十九日乃
出至七年五月文帝崩明帝即位大赦天下

孝恒延嘉九年正月壬辰歲星入太微中五十八
日出端門永康元年十二月丁丑恒帝崩

歲星入南藩留止南門為大臣有憂

歲星留太微廷中為天下大憂留中央十日以上
皆為天下有亡徒為兵者

歲星入太微天庭所中犯乘守者殺若有罪各以
守官占之

歲星食太微東西藩四輔臣有誅者若君臣失禮
陳卓曰歲星入太微犯左右執法將相執法者有憂
人君死亡近期一年遠期五年

石氏曰歲星犯黃帝座改政易王天下大亂存亡者

半 邠萌曰非其主天下不安

歲星逆未犯黃帝座王者惡之禍成矣期三年

荊州占曰歲星入黃帝座其色白者為有赦

歲星逆行入太微天庭中為諸侯將相有戮上者

至黃帝座而成不至黃帝座而還不成以其日入

占國

歲星入中黃帝座為天下易主天下大亂

黃帝占曰歲星觸黃帝座主賊守黃帝座大人憂

石氏曰歲星守犯四帝座臣謀主去之一尺事不成

玉曆曰歲星入大微犯四帝座辟憂君也

甘氏曰歲星中犯乘守四帝座天下亡

甘氏曰歲星犯守屏星君臣失禮臣下謀上

一曰有大臣戮死者

石氏曰若中犯乘守之為君臣失禮而輔臣有誅者
若免罷去

甘氏曰歲星犯守即佐輔臣有謀左右宿衛者為亂
王者宜備之

巫氏曰歲星守犯即將命曰陵 則將有誅若將憂

一曰大臣為亂誠慎左右

荊州占曰若犯乘守之且有以符節為奸者

歲星中犯乘守即將必有不還之使

甘氏曰歲星守犯常陳守衛有謀兵起宮中天子自

出行誅期百八十日遠一年

玉曆曰歲星犯上台司命近臣有謀君有誅

一曰近臣有逃走以五色占之黃則當日無故青

黑憂死喪期一年

郝萌曰歲星守上台改年易紀太尉死否則天子患

之中台司徒病下台司空近臣有罷者色黑則死

色黃則無事期百日若七十日丙子日

文曜鈞曰歲星犯守中台中奸臣有謀若誅者中

公當之

巫氏曰歲星犯守下台司祿近臣有罪若出走黑則

死喪

石氏曰歲星犯相星輔臣凶

甘氏曰歲星犯太陽若守之大臣戮死若有誅謀不

出其年

海中占曰歲星犯守天牢王者以獄為樂貴人多繫者

石氏曰歲星入文昌天下兵起其君不安有走王聖洽符曰歲星入北斗口天下大亂改政易王國有大喪期三年 巫氏曰若守之貴臣殃

郝萌曰歲星入守北斗貴人有繫者

荊州占曰歲星入北斗天子惡之不出其年其歲大水 一曰大赦

海中占曰歲星入長垣天子以兵自衛強臣凌主

一曰叛臣被誅若戮死者期不出百八十日

玄冥占曰歲星入紫微宮奸臣有謀兵起宮中天下亂人主憂期二年

巫氏曰歲星守紫微民莫處其室宅流移去其鄉

石氏曰歲星犯北極主星必有大喪若有反臣玉曆曰歲星犯守太子星者太子有憂若有罪犯守庶子者庶子憂若有罪

荊州占曰歲星中犯乘守北極主星為大人憂黃帝占曰歲星犯守勾陳後宮亂兵起宮中幸臣謀

主者憂

石氏曰歲星犯太乙幸臣有謀人主憂主水

石氏曰歲星犯天乙若守之幸臣謀亂有兵起人主
憂之

大唐開元占經卷之二十八終

大唐開元占經卷之二十九

歲星犯石氏外官

黃帝占曰歲星犯庫樓兵出一曰民以饑而舉兵
巫氏曰歲星入庫樓其國以饑起兵若有旱灾期不
出年

荊州占曰歲星守南門王者出畋獵不出三十日

石氏曰若犯之或守夷兵起道路不通

石氏曰歲星犯平星大亂兵起以亡

井氏曰歲星守之平星執政臣有憂若有罪誅者期

石氏曰歲星守犯騎官有兵起若馬多發多死

石氏曰歲星入積卒若守之兵大起士卒大行若多

死期二年

海中占曰歲星犯龜星天下有水旱之災守陽則旱

守陰則水

石氏曰歲星犯守傳說主者簡宗廟廢五祀後宮凶

一曰有絕嗣期不出三年

甘氏曰歲星犯守魚星之陽為大旱魚行人道之陰

大為大水魚鹽貴

海中占曰歲星入杵星若守之犯之天下有發粟米

之事不出其年

黃帝占曰歲星犯守驚星有白衣之會

石氏曰有大水若有白衣聚眾

巫氏曰国有水旱之災守陽則旱守陰則水

石氏曰歲星犯守九坎天下旱或水不水五穀不成

人民大飢 一曰得行陽旱行陰大水民飢流亡

石氏曰歲星犯守敗白民不安其室失其釜甑若流

移去其鄉 一曰除舊更新之象

海中占曰歲星入守羽林有兵起若逆行变色成勾
已者天下大兵閔梁不通不出其年

石氏曰歲星逆行入羽林有叛臣中兵起

玄冥占曰歲星入守羽林諸候悉發兵強臣謀其主

王者憂期二年

晉安帝義熙五年五月戊戌歲星入羽林是年四

月高祖討鮮卑西房攻安定姚畧自以大眾致之

六年二月鮮卑滅之

石氏曰歲星入天軍諸侯兵甲悉發典兵者吉

郗萌曰歲星犯守天軍為兵起有敗軍死將

石氏曰歲星與落相貫抵觸光芒相及有兵大戰破

軍殺將伏屍流血不可當也期百八十日若一年

一曰歲星守北落師門亦為兵起

海中占曰歲星守土司空其國以土起兵有土工之

事天下旱 郗萌曰多土工事

黃帝占曰歲星入天倉主財寶出主憂亂臣在內天

下有兵而倉庫之戶俱開主人勝客客事不成期

二十日中南發

天德堂
巫氏曰歲星入天倉而守之天下有轉粟之事歲惡
民饑一曰守其天倉天下有兵米糧發放穀貴
齊伯占曰歲星守天倉諸侯有發粟之事兵起若當
戶守之將受命不為主用

石氏曰歲星入天囷天下兵起國儲積粟盡發民大
飢餓一曰御物多有出者庫藏空虛期二年

石氏曰歲星犯守天廩天下亂民大飢粟散出

甘氏曰歲星入守天廩天下有兵歲大饑倉粟散出
不出其年

甘氏曰歲星入守天苑牛羊禽獸多疾疫若守之二
十日兵起馬多死其國憂

石氏曰歲星守參旗兵大起弓弩用大將出弓矢貴

石氏曰歲星入玉井為強國失地出井強國得地

巫氏曰國有水憂若以為水敗水物不成期不出年

甘氏曰歲星入守天屏諸侯有謀若大臣有戮者

黃帝占曰歲星入守天廁大臣有戮者

甄曜度曰天下大飢人相食死者大半期二年

石氏曰歲星入守軍市兵大起大將出以飢兵起

甘氏曰歲星入犯守野雞國將死軍營敗兵卒散走
以入日占之

石氏曰歲星守犯狼星兵車遍野盜賊塞路

荆州占曰大將出行其國有兵 一曰胡兵入中國

玉曆占曰大將出天下多兵起盜賊多人主憂

石氏曰入守之野獸多死以入日占之

荆州占曰歲星守犯弧矢貴人多死若將當代之大

將有千里之行多盜賊以入日占其國

郝萌曰米大貴人飢有兵戰馬有大驚

海中占曰歲星犯守天稷有旱災五穀不成大飢荒

一曰五谷出

歲星犯氏中官其

荆州占曰歲星中犯乘守四輔星君臣失禮輔臣誅

荆州占曰歲星守日星王者得忠臣陰陽平守之二

十日至四十日不去王者興天下同心四夷和平

五穀大豐

荆州占曰歲星守天田五穀豐登不出其年

甘氏曰歲星守平道天下治隱士升堂不出一年

甘氏曰歲星入守酒旗天下大醜有酒肉財物賜君

爵宗室

黃帝占曰歲星逆行天高其君齋戒不謹

一曰守之水旱不時有奇令及赦

黃帝占曰歲星入天潢天下大亂易政

一曰貴人死為運道不通兵大起

郝萌曰歲星失度入天潢中為人主以水為害若以

井為害以見入之日占其國及與其官

黃帝占曰若犯中乘守之期二十日兵起

甘氏曰歲星入犯咸池主有兵喪亢旱且有大小水道

不通貴人死以入日占之

郝萌曰有以迷惑人主者一曰大旱歲飢

石氏曰入犯則天子所為敗失忠臣天下大亂易政

人主悉之一曰處南旱處北水

荊州占曰歲星入咸池天下亂人君死易政以入日

占其國

石氏曰歲星犯守天街及徘徊亂行主弱臣強道路

隔絕天下不通

大德堂
郝萌曰歲星留守天街為諸侯為諸侯有自立為王
一曰大水 一曰留止逆行天街中為兵革起
歲星不從天街為政令不行不出其年有兵

歲星犯甘氏外官

甘氏曰歲星入犯守哭泣主人君死喪哭泣之事

宋天文志曰孝武大元二十一年六月辛巳歲星
犯哭泣星占曰有哭泣事是年九月孝武帝崩

甘氏曰歲星犯銖鉞五日大臣有謀者

荊州占曰誅國相

郝萌曰歲星中犯乘守銖鉞谷鉞天下妄為奸謀之
事臣下叛主兵將有憂

黃帝占曰歲星入天積中亂臣在內財寶出

天積即藟
藟也

荊州占曰歲星入軍井三日以上其歲大水多土工
甘氏曰歲星入天狗北夷大飢未歸隣國多土工
黃帝占曰歲星入天廟若守之皆為廟事

一曰宗廟有殃 荊州曰入之有殃之事

歲星犯巫氏外官

荊州占曰歲星入土司空有土徭之事

荆州占曰歲星犯守乘鍵閉大臣有誅天子尊事天
者王者不宜出宮下殿有匿兵於宗廟中者若有
守者王不出國七日期 一曰守衛之士有憂
郝萌曰歲星守天淵海水溢河江決漲若海魚出
荆州占曰歲星入天廡中十日以上馬有食變
黃帝占曰若守之為災之事人主以馬為憂即馬死

大唐開元占經卷之三十一

熒惑名主

黃帝曰熒惑一名赤星廣雅釋天篇曰一名罰星或
曰執法荆州曰熒惑居東為懸息居西為天理南
方為熒惑其行無常司無道之國吳龍天官書曰
熒惑火之精其位在南方赤帝之子方伯之象也
其神赤熒怒朱雀之宿也為天候主歲成敗司察
妖孽東西南北無有常出則有兵入則兵散躁急
促疾進退無常周旋止息巧為死喪詩含神霧曰

熒惑司災春秋緯曰熒惑主候守主禮成天意禮
失則妾為妻支為嗣濟惑類應則熒惑逆見變恠
石氏曰熒惑主夏主南維主火其日丙丁其辰巳
午其卦離其音徵其數三其帝炎其神祝融主禮
禮失者罰出熒惑之逆行是也又主大鴻臚主死
喪巫氏曰熒惑者太白之雄也五星之伯也其色
赤勝太白熒惑主憂患過惡禍福所由也洪範五
行曰熒惑於五常為禮辨上下之節於五事為視
明察善惡之事也禮虧視失逆夏令則熒惑為旱

災為饑為疾為亂為死喪為賊為妖言大恠也班

固天文志曰逆夏令傷火氣罰見熒惑熒惑天子
理也故曰雖有明天子必視熒惑所在淮南鴻烈

曰南方火也其帝祝融其佐朱明執衡而治夏

平衡

也其神為熒惑其禽為朱雀其音徵其日丙丁又

曰出入無常辨其變其時也見時匿郁萌曰熒惑
為司馬荊州曰熒惑火之精其神上為熒惑其因
荊楚主吳越以南熒惑乃天乙使者司萬物之變
熒惑上承太乙下司天下君臣之過司驕司奢司

福司賊司饑司荒司死司喪司正司直司兵司亂
為熒惑殃無不主之韓揚曰熒惑主諸候熒惑修
禮其變色失行乘凌守犯勾已芒角動搖乍前後
乍左右順喜逆怒入其列宿其国有殃死喪兵寇
無所不隸矣

星讚曰熒惑法使行無常

熒惑行度

洪範五行曰熒惑以上元甲子歲十一月甲子朔冬
至夜半子時與五星俱起於牛前五度順行二十

八宿右旋二歲一周天也

按曆法熒惑一終也百七十九日一千三百四十
分日之一千一百二十有奇六十二歲強一周天
樂動聲儀曰徵音和調則熒惑日行四十二分度
之一伏五月得其度不反明從海則動應致焦明
至則有兩備以樂和之

春秋文曜鉤曰熒惑東行急一日行一度半其行
東西南北疾兵各聚其下主以煩穢若自恣招禍
謀用戰順之勝逆之敗

石氏曰熒惑行卒變百五十六日而行八十三度
甘氏曰熒惑之東行也急則一日一夜行七十年
其益此則行疾疾則兵聚於東方熒惑之西行疾
則兵聚於西方其南其北為有死喪其南丈夫之
喪其北女子之喪熒惑法東方修緯及常十六舍
而亡逆行西運動以成章含一舍半

巫氏曰熒惑休入常不得過五月而出遠八月而
出受制則舉賢良賞有功主封侯出財貨行賂貨
荊州曰熒惑日行一尺以上期五月至十五日而

廢五寸以上期十五月至二十五日而廢三寸以
上期二十五日至三十日而廢一寸以上期三十
五月至五十月而廢諸廢期月此皆熒惑順行而
其國有道熒惑出東方行順即其國吉

尚書緯曰氣在初夏其絕熒惑是謂發氣之陽可
以鎔銷金銅與氣固無使民備火皆清已膺是謂
敬天之明必勿行武與季夏相輔和是夏之時不
出與季夏同期如是則熒惑順行甘雨時若矣

熒惑王相休囚死

甘氏曰熒惑之相也從立春至春之盡其色則當精
光明朗無芒角熒惑之王也從立夏以夏至之盡
其色赤則當比心大星而精明仲夏之時有芒角
熒惑之休也從仲夏至夏之盡及四季土王用事
時其色則當無精明黑黃熒惑之囚也從立秋以
至秋之盡其色則當青白止不行熒惑之死也從
立冬以至冬之盡其色則當細小黃黑而不明此
熒惑色之常也其色和則天下和平
當其相也而有王色所居之國受殃有休色讒臣

誅國相免有囚色國有捕囚及于將相有死色大
臣誅傷其留守也其國兵起其進舍也有蚩蝗五
穀傷其退舍也赤地千里

當其王也而有相色相蔽主聰有休色政令不行
有囚色讒臣用事王路不通有死色則有大喪其
留守也不可舉事用兵其進舍也其國不祥其退
舍也有旱殃

當其休也而有王色所居之舍其國受禍有相色
國亂百官不從有囚色有小兵有死色盜賊橫行

訛言廟堂有火火所居之舍其國受殃其進舍也
災傷其退舍也利口危邦

當其囚也而有王色大臣逃亡有相色臣下毀傷
有休色使者冠蓋相望有死色白刃成行丁壯從
軍獨有老公所守之舍道路不通其進舍也兵殃
其退舍也妖言主凶

當其死也而有王色宗廟不享有相色大臣揖政
有休色是謂不祥宗廟失火邊有使地有囚色丁
壯多死以兵所留舍其國君逆亡開其府庫出其

甲兵四十餘日破亡其進舍也數多微風其退舍
也水流蕩蕩一曰多晴

熒惑光色芒角

甘氏曰候熒惑以夏丙丁此王氣當如其常色變
則失所也

郝萌曰熒惑色變二見一伏求之所不可得奎之
目辰之心參之右肩龍之左角畢之右股此五星
也類此色即熒惑也

荊州曰熒惑色以畢左星為正一曰此心中央星

推度 一曰熒惑黑國為水喪

春秋緯曰主亂虛而侵殺則熒惑光並大

其氏曰熒惑色赤黃也發疾黑有發難黃若赤一

歲內發白色期二年青色期三年黑色期四年至

五年以星行尺寸深淺為度大小期應

巫氏曰熒惑如炬火士人怒君子踈踈小人踳踳

不有亂臣則有大喪亡期其使吏敗其主使之不

殺衰孤恤寡則止

海中曰熒惑色赤國有憂厚白則國有憂薄蒼即

天下多喪其國尤甚

郝萌曰熒惑之色赤而黃有喪期六十日

荆州占曰熒惑一赤一黃王公有禍士女降候星

若無光先起兵者大敗青光為雨黑光為水熒惑

色黃白不出其年大喪色黑其國為疾為喪色白

為飢為兵春色赤百姓有憂冬色白大臣多辱熒

惑白圜而光其野病旱色變正白者冬有喪色變

而赤者秋有兵熒惑失色有兵從之人主憂熒惑

黃而不明即變其色時不昌春不生夏不榮秋不

實冬不截四時皆變其色不出其年君主有以女
樂亡者熒惑如炬火有乱臣亡國使吏欺主少勝
長下勝上婦勝姑子勝父君令不行熒惑色青圜
為水為憂為飢其色青者多雨色蒼黑蒼多黑少
有喪蒼少黑多有水蒼黑相等喪水並起皆期六
十日或三年熒惑出而色正黑所守國有水殃期
六、日熒惑色赤光而澤不出三年兵喪並起
邠萌曰熒惑出色黃所居宿有土功事熒惑夏三
月出南方色赤而逆行乃有害萌火光之妖且見

觀之有德而降之以福觀之逆德而降之以禍凡
降禍流水湯湯乃為之祠於祝融及南海之神春
見為之修德賞有功論有勞遷有善任有能夏見
之寬及令薄賦歛賜爵祿行賞罰視以任陽德大
暑乃至時雨乃行百姓乃豐五穀乃登甘雨和風
乃至草木以時零落民不夭疾帝乃延壽是謂德
秋見為之修吉初逐有罪誅有過冬見為之開閉
天赦此四者所以應天之明神也熒惑出色赤怒
逆行為兵成勾已戰凶有圍軍

荆州占曰熒惑色火而盛先起者凶後起者昌若
色赤為大兵主旱秋有大災色變為黃有德一曰
所居之野有土功若秋出色黃兵雨和
詩緯曰賢者退小人進內讒言侈陰賊行而天下
安熒惑教出干主位赤而芒為火兵黑而国有喪
政令為其和疾則事急留則殃重

春秋緯曰熒惑主怒則角擾動及統圍之若芒萌
後左右主令無常各以其賴氣虛而侵殺則先為
火

甘氏曰熒惑色赤而芒角其怒也昭昭然明天則
軍戰其国亦戰熒惑生芒名正旗旂之所指破軍
殺將隨正旗而伐之大勝

郁萌曰熒惑環繞宿其長戕其国君死其光外附
不国君主出走赤芒南方国利之白芒西方国利
之黑芒北方国利之青芒東方国利之黃芒中国
利之熒惑色正黑多芒所居之野有妖惑者
司馬遷曰熒惑白角有哭泣之事

荆州占曰熒惑色正白無芒所居宿有女喪色正

白而多芒所居宿有男喪熒惑始出蒼芒多所居
宿其国有妖而飢始出色赤而芒軍在外大戰無
兵兵起熒惑出色黃多芒所居宿其国有憂期百
十日熒惑則芒為主憂芒大則衆怒角則兵起若
成勾已環繞如鋒刃芒角者人主慎勿出宮下殿
若有伏兵君子惶惶小人浪浪人欺吏欺主
熒惑生角則至怒出而有角行疾用武行遲用文
若青色而角末年之春草木五穀肅殺
一曰青而角有兵憂

熒惑盈縮失行

韓揚曰熒惑出列宿之南為孽出列宿之外復入
為益逆為縮如是者其下必有伏屍積骨

甘氏曰熒惑政緩則不出急則不入違則有占
尚書緯曰政失於夏則熒惑逆行

負圖徵曰聖王正律曆不正則熒惑出入無常占
為大凶

春秋緯曰熒惑主有謀氣事未施行則見怡其妖
祥反道二舍以上居之三月有淫泆五月受夷狄

之兵主以讒言致非祥七月半亡地九月太半亦
亡地因與宿俱入俱出国絕祀

文曜鈞曰熒惑留其宿其陰四旬太子死二旬近
臣死

鈞命決曰天子失義不德則白虎不出熒惑逆行
甘氏曰其国失礼失夏政則熒惑逆行所留久也
三年而發亡五百里其中也三百里其殺也四百
里居其陰萬家邑拔千家邑驅掠居其陽萬家邑
驅掠千家邑拔去而復還守之其殃尤甚從陰之

陽亡地三百里荊州占曰亡地二百里從陽之陰
亡里二百里荊州占曰亡地三百里從前之後亡
地二百里後之前亡地三百里留其前六日人主
太子死留其陰十二日嬖人死或侍臣死留其陽
一月庶子死荊州占曰太子死留其後十二日王
后死荊州占曰二日不從王后死又曰季子死留
其後二旬相死留其陰五日荊州占曰上卿死留
其前二旬太子死

荊州占曰熒惑出東方若西行遲留者其国不利

強國之王死之留一月以上為兵為飢為憂為喪
四孟之月王候受之四仲之月大臣受之四季之
月百姓受之

巫氏曰熒惑之行東西南北名曰失行主用事必
且失其位使天下不然殺不孝者以當失行如此
則止

熒惑東行疾名曰狡狡者止其相死疾而西行名
曰猾猾者起且有將死南行疾名曰讒
荆州占曰變其常南行客三舍名曰讒讒人興且

有男喪北行其名曰賊賊乃作且有女喪

熒惑靜居不行名曰營且有殃

熒惑南去列宿間三舍期百二十日倍 君不治

政在臣下使之然不然遷不治復寃者止姦詐如
此則正 京房曰君多虛飾熒惑失道

郝萌曰主好重賦稅欲侵奪民時大宮室高臺榭
則熒惑逆行霜露肅殺五穀民多病瘟

熒惑從北往南是謂持水入於火不出三年國有
大喪無兵兵起南方

熒惑妄行一東一西一南一北主有吉凶赤為兵
白為喪黃為喜青為憂黑為水

元命包曰妾為妻支為嗣精感類應則熒惑逆行
逆恠

郝萌曰熒惑逆行变色人主簡宗廟去禱祠廢祭
祀逆天時變妾為妻棄法律殺太子逐功臣

熒惑出而逆行变色以內淫亂犯親戚

熒惑以庚辛日留天下有大喪大兵若天子有喪
班固天文志曰熒惑所守為亂賊喪兵守之久其

國絕嗣

荊州占曰熒惑逆行守犯失行变色者人君不順
天道廢禮遺德遠賢進奸驕慢自恣不体五常孰
淫女色妻妾為政功臣斥位殺戮無辜凌弱暴強
星則為之逆變出不以時變為妖彗虫尤之旗格
澤之氣兵起大戰主死將亡伏屍流血民生塗怨
上宜告宗廟礼山川存恤孤寡薄賦輕徭則星順
度可以除咎

荊州占曰熒惑变色失行其所留者亡所抵者兵

熒惑逆行變色人居宰相之治推擇不以德賢聖
隱蔽而不肖者進遠忠臣而近諂諛

一曰人君宰相之治驕恣不從五行妻不攻賢者
伏匿諂臣亂治逐功臣誅不辜即熒惑逆行變色
熒惑變其常東行客三舍名曰縮星出則有死相
熒惑變其常西行客三舍名曰馳星出則有死將
熒惑變其常南行客三舍名曰諛星出則有男喪
熒惑變其常北行客三舍名曰賊星出則賊將起
天為旱

韓揚曰熒惑東行疾名曰馳星出有死將

熒惑逆行色赤而怒有兵逆行環繞成勾已至三
舍名山崩大川竭若守之三月不下其分國亡有
大喪逆行至五舍大臣謀反諸侯亡地

熒惑逆行必有破軍死將若處死君又曰夷將為
王敵誅有昌不敢誅者亡當此之時輒立九候置
三王取與必當無逆天殃

熒惑當出不出天下有兵民流亡當入不入所在
其國有殃出而復入其國君死

熒惑往來疾者期不過九十日遲者不過三年
熒惑留守二十日反舌

熒惑不動兵不戰有誅將者

熒惑逆行二舍半有火災若大水 一曰有女喪

熒惑大白東西南北行之而復居其處天下為國
謀者其行也同時馳

熒惑出東方其行順則國不凶其逆行一舍其國
有兵戰彼亡地其色悖小其國君有憂

熒惑失度而妄出宿間天下兵作

熒惑東則兵東西則兵西南則兵南北則兵北

熒惑一東一西害候王一南一北為死喪

熒惑失行西北是水利于火有兵兵罷天下大旱
存孤寡孳鰥老天下親附則熒惑順度

熒惑春夏而失道南行疾為旱為兵在陽國秋冬
而失道北行疾火入水必有破軍殺將

甘氏曰熒惑出入進退以戰背之大勝迎之大敗
荊州占曰熒惑順宿南行疾有男喪讒人將起順
宿北行疾有女喪賊將起

熒惑正乘列舍守之十日以上其分內亂二十日
以上相走六十日主死九十日殃及子孫

熒惑正留三日以上國則憂相不死出走十日以
上主大憂一月至三月六月殃及子孫者主人傷
五穀歉去之七尺傷人已去之四五尺傷吏去之
二三尺傷卿相去之一尺傷主

熒惑出西方若東方其疾至宿留二十日以上及
為留即去之若復返其所之宿其君惡之
海中占曰國君死之所宿者天子惡之四孟之月

候王受之四仲之月大臣受之四季之月小民受
之

熒惑順行留守宿二十日以上與逆行不滿十日
等順行留守三十日以上與逆行留守宿十五日
等順行留守宿如十日與逆行留守宿二十日等
順行留守百日與逆行五十日等熒惑所守其國
宰相死

熒惑與宿星舍守之其國大人死守之久五年而
發者亡地五百里期二年而發者亡地二百里期

一年而發者亡地百里

熒惑所守之分其國函守之連殃小守之久殃大去隔復逆之或前或後或左或右殃殊重不可救國破主死流血城市 一曰國絕嗣
熒惑逆行守星者為饑即其年旱飢也復還順行黃色而正糴貴反賤

韓揚曰熒惑東西南北疾謀用戰順之勝逆之敗漢天文志曰熒惑順宿東行疾則兵聚于東方西行疾則兵聚于西方

韓揚曰熒惑乍東乍西當者國大憂居之久者三歲中二歲近一歲殃至也

熒惑伏五月而出西方為內亂更王

熒惑出于北方不出其年起兵

熒惑還北方其兵不還有憂

熒惑春出南方有喪不然當小旱飢方郡君臣憂熒惑凡行二十八宿已去復還反其國君死之

熒惑正乘其國之宿星留三日以戰大將死留五日軍破亡地留十日其君死國無兵而憂及正乘

其宿星留十日內亂起絕宿星從南之北從北之南其國貧所居者久其野有兵

荆州占曰入其星三日其野有憂過三日其憂大韓揚曰熒惑常行其留不行從宿居入宿又守之其國舉兵戰閉殺將亂事家室破殘父子相失于流亡

熒惑行絕道正乘宿留二十日以上至五十日破軍殺將自外來止其宿不可戰

熒惑之行無常東行守宿十日為留其環所久宿

者殃其國宰相死

熒惑東行四十日行三舍以上謹守其反日不行日數之百八十日女孽出

班固天文志曰熒惑逆行退一舍二舍為不祥其下有火災退至五舍大臣謀叛退行其色悻小其國主憂若變色太子逐功臣死

韓揚曰熒惑西行三舍以上謹守其反日數之百八十日兵起不然天妖出大臣謀叛

熒惑逆行有所守其宿其分有破軍殺將有死君

九德堂
迂而還故道名曰燒跡其國大旱人飢不復故道
名曰勾己其分有凶災有旱及火

熒惑晝見反明

甘氏曰熒惑晝見臣謀主所在之分兵起大旱水
竭兩軍相當有雲獨掩熒惑有伏軍死將
韓揚曰熒惑出西方而逆行是謂反明天下更王
其所宿之國亡不出其年 一曰國有憂者大凶
居其南北為死喪南為丈夫北為女子
洛書曰熒惑反明邦命主更若相掠所戒不言更

尚書緯曰熒惑反明白帝亡 荊州占曰怒氣結

春秋緯曰熒惑赤之世有過則出寇守見萌以淫
亂失時則反明有此類則亡引也

文耀鉤曰熒惑反明至以悖更殘之過亡天下更
絕其主

元命包曰殷紂無道熒惑反明 反出西方也

天官書曰熒惑反明主命惡之

韓揚曰熒惑所止舍而數之七舍而數為日七月
而入于西方伏行五舍為日五伍月而後出于東

行其反出西方是謂反明天下更政所宿其國代
熒惑有三反明二吐舌以厥處殺太子以妾為妻
京房曰紀經不用熒惑反明

熒惑變異吐舌

京房對災異曰熒惑作變為華州人君之禍也出
于東骨肉欲篡此邊國謀入于西則兵大起蠻貊
戰入斗則大臣叛經東西方民病不救之則致日
食既下謀上其救解也設立政事正國書修經治
政惡為解之則國家安然

人君無禮法輕薄房室外行慢易過下不理賦歛
奪民時則熒惑失度吐舌為變逆度作怪以戒人
君不救則旱大火燔宮殿其救也追功爵祿賢位
德養幼孤廩鰥寡期熒惑還度天心得矣
運斗樞曰人君政亂朝多讒臣則熒惑吐舌
陽越度陰失和則熒惑生足

韓揚曰熒惑吐舌如星其舌上則主憂下則民愁
石氏曰熒惑生足故立殃新主易

巫氏曰熒惑大而赤東西南北行非其常也有謀

國兵起

熒惑失其常吏且華其法諸侯亂其政

荊州占曰熒惑始出大而日愈小者其國不利始出小而日愈大者其國利不如其常其國有兵喪熒惑赤角卒多不出秋兵起

熒惑赤大貽然而芒其野有兵

熒惑大而赤角有兵兵出有攻戰客利背之者大勝逆之者大敗

熒惑色赤大而角軍大驚

巫氏曰熒惑小名曰進賊萬民相暴從為賊不有死王必有滅國使之不然衰弱者憐孤寡則無咎郝萌曰熒惑出東方反行以西有小星擊之即去所宿之國受兵

荊州占曰兩敵相當熒惑當其日而大以其大之日利當^其日而小以其小之日不利上旬為陽國中旬為中國下旬為陰國星大赤利兵出有功小赤則無功皆以其日占國熒惑貫小星殺小將熒惑之陰有小星去四寸以內諸侯陰謀

熒惑之陽有小星去四寸以內諸侯有陰謀小兵
熒惑之傍有小星兩其一在南一在北皆四寸以
內諸侯縱

熒惑之傍有小星二其一在東一在西皆四寸以
內諸侯橫

熒惑小而赤角有兵出無功

龍魚河圖曰夫熒惑主司非其精下為風伯之神
巫咸曰熒惑下為童男止于都市

搜神記曰吳地單創之信不坐國邊氏守孫質其

兩女子名曰保質童子少年以類相與嬉走者日

有十數永皇三年三月有一異兒長貫餘年期云

七歲衣青來從群戲諸兒莫之議也皆問爾誰家

兒今日忽來答曰夏兵群戲樂故來耳許而視之

眼有光芝煥々水射諸兒震之重問其故兒乃答

曰尔惡我守我乃熒惑星也將尤一告尔三分有

外焉如諸兒大驚或走告大人馳往觀之兒曰尔

舍主官踈身而請即他之矣仰而視之若引匹誅

以登天入人未有猶及見焉飄々漸而有頃而漫

興吳敗友惠芒敦害也後五年而芻亡六年而普
興至是而司馬如笑一書云熒惑女不見下地為
人衣韋衣若白衣乃使民多流妖言

熒惑躍而沉浮與列星閉

荊州占曰熒惑躍而沉浮主用心悼憤

熒惑守列舍浮跳不安人主心和無剛政

韓揚曰熒惑與列宿星閉不出三年臣背其主

熒惑变色逆行相凌而閉會舍還其國無道若與

宿同光國君出走

熒惑穰氣暈彗

黃帝占曰熒惑生氣為赤穰者明日大熱至夕時

兩大作出氣長一丈四尺有旱長一丈百日旱傷

物大臣作亂其國飢荒

孝經內記曰熒惑色黑出氣為赤穰者不出五月

有賊或五十日旱魚鹽皆貴二倍乃止

甘氏曰兩軍相當而雲掩熒惑必有伏軍若將死

其出入進退以戰背之大勝迎之大敗

郝萌曰兩軍相當雲厚掩熒惑必有逃軍

九德堂
巫咸曰熒惑自暈大臣叛其主白暈其角也兵氣赤色国有憂

郝萌曰熒惑出彗東南維其下受亡地不出三年甘氏曰流星入熒惑良臣以憂死天子側多佞臣流星入熒惑國多讎臣天子備火

流星抵熒惑大旱民飢流亡

晉惠帝永平二年十二月熒惑襲太白于營室占曰天下起兵一曰易相是時齊王固專傲無君成都河間長沙三王相承爭戰攻焚宮闕公私大困

又大安三年正月熒惑犯歲星占曰有戰七月左將軍陳曠奉帝伐成都王敗績

穆帝升平二年八月戊午熒惑犯填星在張占曰兵大起五年十月丁卯熒惑犯歲星在室占曰大臣逆謀時桓溫陰蓄不臣之心

晉安帝義熙十四年十月癸巳熒惑入太微犯西蕃上將乃順行至左掖門留二十日乃逆行至恭帝元熙元年三月出西蕃上將三尺許又順還入太微時填星在太微熒惑繞之成勾巳其年四

月丙戌從端門出占曰熒惑勾巳天庭天下更紀
十二月瑯琊王踐祚是為恭帝明年禪于宋
漢文帝後七年七月熒惑東行畢陽環東北出而
西逆行至昴即南乃東行占曰為死喪寇亂畢昴
趙也其年宮車晏駕

景帝 年七月癸未熒惑入東井行陰又以九月
己未入輿鬼戌寅日出占曰為誅伐又為火災後
二年有粟氏事其後未央宮闕災
昭帝始元中熒惑在婁逆行至奎占曰當有兵其

後漢兵伐烏桓

大唐開元占經卷之三十終

卷之四